

26 IANUARIE

**PARACLISUL
SF. REGE
DAVID 4
ZIDITORUL
AL GEORGIEI**



PARACLISIERUL PE IANUARIE-GG



სავედრებელი პარაკლისი წმიდისა კეთილმსახურისა მეფისა დავით აღმაშენებლისა

მღდელო: კურთხეულ არს-ი

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაძთა და ყოველთა წმიდათაძთა, შეგზწყალენ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭემმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგზწყალენ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგზწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგზნდვენ უსჯულოებანი ჩუენნი; წმიდაო, მოიხილე და განჰკურნენ უძლურებანი ჩუენნი სახელისა შენისათჳს.

უფალო, შეგზწყალენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მივსნენ ჩუენ ბოროტისაგან.

მღდელი: რამეთუ შენი არს სუფევად...

გუნდი: ამინ.

მღდელი: უფალო, შეგჳწყალონ (12-გ ზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა, მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვთ ქრისტესა, მეუფესა და ღმერთსა ჩუენსა.

უფალო, შეისმინე ლოცვისა ჩემისად, ყურად-ილე ვედრებად ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებად ჩემი, დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვივსენე დღეთა პირველთად, და ვიწურთიდ ყოველთა მიმართ საქმეთა შენთა და ქმნულსა ჳელთა შენთასა ვზრახევდ. განვიპყრენ შენდამი ჳელნი ჩემნი, და სული ჩემი, ვითარცა ქუეყანად ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო

მათ, რომელნი შთავლენან მღვმესა. მასმინე მე განთიად წყალობად შენი, რამეთუ მე შენ გესავ; მაუწყე მე, უფალო, გზად, რომელსაცა ვიდოდნი, რამეთუ შენდამი აღვიღე სული ჩემი. მივსენ მე მტერთა ჩემთაგან, უფალო, რამეთუ შენ შეგევედრე. მასწავე მე, რადთა ვცო ნებად შენი, რამეთუ შენ ხარ ღმერთი ჩემი; სული შენი სახიერი მიძლოდეს მე ქუეყანასა წრფელსა. სახელისა შენისათვის, უფალო, მაცხოვრო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონად შენი ვარ.

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე ამინ.

აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა ღმერთო ჩუენო,
დიდებად შენდა.

ღმერთი უფალი და გამოგვიჩნდა ჩვენ, კურთხეულ არს მომავალი სახელითა უფლისადათა.

მუხლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობად მისი.

მუხლი 2. ყოველი თესლები გარე მომადგა მე, და სახელითა უფლისადათა ვერეოდე მათ.

მუხლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუხლი 4. ლოდი, რომელ შეურაცხყვეს მაშენებელთა, ესე იქმნა თავ კიდეთა, უფლისა მიერ იყო ესე, და არს საკვრველ წინაშე თუალთა ჩუენტა.

ტროპარი, ჳმაჲ 4

საკვრველებად, რომელი ქმენ, უფალო, წმიდისა შენისა შორის, კეთილმსახურისა მეფისა დავითისა, ზესთა აღხდების გონებასა სიტყვს მოქმედთასა, რამეთუ ადიდე იგი სახელისათვს შენისა, ვიდრე დაქსნადმდე სარკინოზთა ბრწყინვალეთა მიერ ძლევათა ყოვლად საკვრველთა, ხოლო შემდგომად დაქსნისა სარკინოზთაჲსა, დიდებულ-ყავ ნიშთა მიერ საკვრველთა, რომლისა ოხითა მოეც სულთა ჩუენთა დიდი წყალობად.

დიდებად მამასა და ძესა და წმიდასა სულსა,

საკვრველებად, რომელი ქმენ, უფალო, წმიდისა შენისა შორის, კეთილმსახურისა მეფისა დავითისა, ზესთა აღხდების გონებასა სიტყვს მოქმედთასა, რამეთუ ადიდე იგი სახელისათვს შენისა, ვიდრე დაქსნადმდე სარკინოზთა ბრწყინვალეთა მიერ ძლევათა ყოვლად საკვრველთა, ხოლო შემდგომად დაქსნისა სარკინოზთაჲსა, დიდებულ-ყავ ნიშთა მიერ საკვრველთა, რომლისა ოხითა მოეც სულთა ჩუენთა დიდი წყალობად.

აწ და მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა სადა გვკსნა ჩუენ ესოდენტა ჭირთაგან; ანუ ვინმცა დაგვცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იქსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უსჯულოებად ჩემი. უფროჲს განმზანე მე უსჯულოებისა ჩემისაგან და ცოდვათა ჩემთაგან განმწმიდე მე, რამეთუ უსჯულოებად ჩემი მე უწყი, და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ,

რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უსჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭემმარიტებად შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროდს თოვლისა განვსპეტაკნე. მასმინო მე გალობად და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უსჯულოებანი ჩემნი აღვოცენ. გული წმიდად დაჰზადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისად და სულითა მთავრობისადათა დამამტკიცე მე. ვასწავლნე უსჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენად ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკურთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული, ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღემენენ ზღუდენი იერუსალემისანი. მაშინ გთნდეს მსხუერპლი სიმართლისად, შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

გალობა 1, უგალობდითსა, ჳმა 2

ძლისპირი: დელვათა დაანთქა პირველად ფარაო ეტლებითურთ და აღჭურვილით ძლიერად სპარაზენით სიტყუამან მამისამან, რომელი განჯორციელდა ჩუენ ცოდვილთათვს, რომელსა უგალობთ: ღმერთო დიდებულო, დიდებულ-ხარ.

წმიდაო, კეთილმსახურო მეფეო დავით, ევედრე ღმერთსა ჩუენტვს.

შუამდგომელად ღმრთისა მიმართ მიგავლენთ შენ, უძლეველო მეფეო დავით, რადთა მომმადლოს მე სინანული და მოტევება ცოდვათაჲ, ვითარცა შენ მოგმადლა და განგბანა ცრემლითა, და შეგვჭუროს მტერთა ზედა ძალითა თვისითა უძლეველითა.

წმიდაო, კეთილმსახურო მეფეო დავით, ევედრე ღმერთსა ჩუენთჳს.

აღზრდილი სიყრმით მართლმადიდებლობისა დიდთა მოძღუართაგან, ყოვლადვე-განშორებულ იყავ ჩვეულებისაგან ყრმათა სილადისა, ხოლო აღიზარდე რად, დავით, ევლტოდე სიჭაბუკისა გულის თქუმათა და არა მიიდრიკე გემოვნებათა მიმართ და განცხრომათა.

დიდებაჲ მამასა და ძესა და წმიდასა სულსა,

გხედვიდეს რად წარჩინებულნი სამღდელოთა თანა მჯნესა და სიბრძნითა საკვრველსა, ეგულებოდათ ვითარ-მცა განარინებდი ერსა მას ურიცხვთა მტერთაგან, და იქმენ რად წლისა ათექუსმეტისა, ცხებულ გყვეს და გვრგვნოსან საყდარსა ზედა სრულიად საქართველოდსასა.

აწ და მარადის და უკუნითი უკუნისამდე, ამინ.

ყოვლად წმიდაო სძალო, უხრწნელო, განანათლე და წმიდა ჰყავ გულისსიტყუად და სული ჩემი, გევედრები, და განსდევნე არმური უგუნურებისა ჩემისაჲ და წყუდიადი ცოდვათა მათ ჩემთაჲ, რადთა ჯეროვნად გიგალობდე შენ.

გალობა 3, განძლიერდასა

ძლისპირი: შენ, დამამყარებელო კამარათა ცისათაო, უფალო და აღმაშენებელო ეკლესიათაო, დამამტკიცენ ჩუენ სიყუარულსა შენსა,

თავო ყოვლისა სიხარულისაო, და განმადლიერებელო
მორწმუნეთაო, მხოლოო კაცთმოყვარე.

**წმიდაო, კეთილმსახურო მეფეო დავით, ევედრე ღმერთსა
ჩუენთჳს.**

ძემან ღმრთისამან დაგადგინა რად მფლობელად ივერთა ქუეყანისა,
შემოიკრიბე სჳანი ერთგულნი, და დაუცხრომელად წურთნიდი რად
მჳნეთა მეომართა, იწყე წინააღმდგომად მომხდურთად და
შურებოდი აღორძინებისათჳს ივერიისა.

**წმიდაო, კეთილმსახურო მეფეო დავით, ევედრე ღმერთსა
ჩუენთჳს.**

ნიჳნი გულისჳმის-ყოფისანი მოიხუეჳე რად ლოცვითა
მჳურვალითა, ერსა, შენდამი რწმუნებულსა, დამწყსიდი
სიყუარულითა და განამდიდრებდი ყოველთა სულიერითა და
ჯორციელითა კეთილითა.

დიდებად მამასა და ძესა და წმიდასა სულსა,

აბრაჳამის უცხოთმოყუარებასა ჳბაძევდ, დიდებულო, და უხუებითა
ზრდიდი უპოვართა და ლატაკთა, აწ ჩუენცა აღვადგინე ბაძუად
სათნოებათა შენთა, რადთა ვეველტოდეთ ვერცხლისმოყუარებისა
ბოროტსა მას ვნებასა.

აწ და მარადის და უკუნითი უკუნისამდე, ამინ.

განჳკურნენ წყლულეზანი სულისა ჩემისანი, და გონებად ჩემი,
დაბნელებული უდებებითა, განანათლე, ღმრთისმშობელო, რადთა
გიგალობდე: არავინ არს წმიდად შენებრ, უბიწოო, და უხრწნელ.

მივსწენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვკლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებულო ღმრთისმშობელო, და ჯორცთა ჩუენტა წყლულებანი ბოროტნი განჰკურნენ და სულისა ჩუენისა სნეულებანი.

მღდელომან: შეგჳწყალენ ჩუენ, ღმერთო, დიდითა წყალობითა შენითა, გვედრებით, ისმინე და შეგჳწყალენ.

გუნდი: უფალო, შეგჳწყალენ (3-გ ზის).

მღდელომან: მერმეცა გვედრებით ღმრთივდაცულისა ერისა ჩუენისა და მეუფებისა მისისათვის (ქრისტჳსმოყუარისა მთავრობისა და მჳედრობისა მისისათვის).

გუნდი: უფალო, შეგჳწყალენ (3-გ ზის).

მღდელომან: მერმეცა გვედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა და ბიჳვინთისა და ცხუმ-აფხაზეთის მიტროპოლიტისა, დიდისა მეუფისა, მამისა ჩუენისა ილიასათვის, და ყოვლადუსამღდელოესისა (აქა მოიხსენეთ ადგილობრივი მღდელოთმთავარი), და ყოველთა ქრისტჳს მიერ მმათა ჩუენტათვის.

გუნდი: უფალო, შეგჳწყალენ (3-გ ზის).

მღდელომან: მერმეცა ვევედრნეთ უფალსა ღმერთსა ჩუენსა, რადთა შეიწყალოს მონა ანუ მჳევეალი (აქა მოიხსენეთ სახელდებით ისინი, ვისთვისაც ევედრებით).

გუნდი: უფალო, შეგჳწყალენ (3-გ ზის).

მღდელომან: განამრავლენ, უფალო, ჟამნი და წელნი ცხორებისა მათისანი და იკსენ იგინი, უფალო, ყოვლისაგან ჭირისა, რისხვისა და იწროებისა, და ყოვლისაგან წყლოულებისა სულისა და ჯორცთადასა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგზწყალენ (3-გ ზის).

მღდელომან: მერმეცა გევედრებით ყოველთა მართლმადიდებელთა ქრისტეანეთათჳს.

გუნდი: უფალო, შეგზწყალენ. (3-გ ზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაველებთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომაჲ, ჳმაჲ 1

ქრისტემან ღმერთმან გყო-რაჲ მეფედ და წინამძღურად საზეპუროდსა ერისა, უძლოდი შენ ქართველთა, ვითარცა მოსწ ისრაელთა, და დააცხრვენ ჭირთა მძვნვარებანი აგარისა ერთა, მოწევნადი ერსა შენსა ზედა, ხოლო ჩუენ დიდების-მეტყუელებასა და ქებასა შევსწირავთ ღმერთსა, რომელმანცა მოგუმადლა ჩუენ უძლეველი მეფე და დიდებული მოლუაწე და გნატრით შენ, ვითარცა მფარველსა და სიქადულსა ერისა ჩუენისასა.

დიდებაჲ მამასა და ძესა და წმიდასა სულსა,

ექმენ რაჲ ზღუდედ და ფარად მამულსა შენსა, ერი შენი დაიცევ ყოველთა ორგულთა და მტერთაგან, დაშრიტე რაჲ ზრახვანი უკეთურთანი და სძლე ძალითა ჯუარცმულისაჲთა, მას ევედრე, აწ, წმიდაო, რაჲთა წყალობითა მოხედოს მწუხარებათა ჩუენთა და

დაგვფარნეს ჯელოვნებათაგან მძლავრისა ამის მტერისა და გარე მოდგომილთა მძვნვარეთა ჭირთა და ურვათაგან.

აწ და მარადის და უკუნითი უკუნისამდე, ამინ.

უსძლოო ღმრთისმშობელო, ქალწულო წმიდაო, მხოლოო მორწმუნეთა შუამდგომელო, დაგვფარენ განსაცდელთა და ჭირთაგან, და გვკსნენ ყოველნი, უბიწოო, ბოროტისა გარემოდგომილებისაგან, რომელთა გვაქუს ყოველი სასოებაჲ შენ ზედა, და აცხოვნენ სულნი ჩუენნი, საღმრთოთა ვედრებითა შენითა.

გალობა 4, უფალო მესმასა

ძლისპირი: მთისაგან უჯელოდ ლოდი გამოეკუეთე ქრისტე, ქალწულისაგან დედისა, ამისთვსცა წინასწარმეტყუელმან გიხილა და ლაღადყო: კსნად ერისა შენისა მოხუედ, დიდება ძალსა შენსა, უფალო.

წმიდაო, კეთილმსახურო მეფეო დავით, ევედრე ღმერთსა ჩუენტვს.

ვითარცა მწყემსი მღვძარჭ, ილუწიდი სამწყსოთა შენთა კეთილად, და აღაშენე ციხე-ქალაქნი უბრძოლველნი მშჯდობით დაცვისათვს ერთა თვსთა, ეგრეთცა წინაშე ღმრთისა კადნიერებით მდგომარემან გვითხოვე ცხებული სარწმუნოჲ და მართალი, მმართველად და წინამძღურად, ყოვლითავე მსგავს შენდა.

წმიდაო, კეთილმსახურო მეფეო დავით, ევედრე ღმერთსა ჩუენტვს.

ჭაბუკმან, ვითარცა მჯცოვანმან და ბრძენმან გულის-ჳმა ყავ საქმჭ, რომლითა მოიმადლებდი ფრიად განრისხებულსა ღმერთსა,

შეჰკრიბე რად ღმრთივსულიერნი მამანი და სჯულისა მეცნიერნი რუის-ურბნისა და განაჩინეთ ძეგლისწერად კრებისად.

დიდება მამასა და ძესა და წმიდასა სულსა,

ულირსთა და უწესოთა დაეპყრნეს რად საეპისკოპოსონი, ერსა უსჯულოებასა ასწავებდენ ნაცვლად სჯულისა, ხოლო თქუენ განკვეთეთ და შეაჩვენეთ, და შვიდთა მსოფლიოთა კრებათა კანონთა მიერ წარმართეთ ცხორებად ქართველთა ერისად.

აწ და მარადის და უკუნითი უკუნისამდე, ამინ.

ღმრთისმეტყუელთა სიღრმე საიდუმლოთა შენთა ჰქადაგეს ყოვლად მიუწთომელად, უხრწნელო, რამეთუ გარე-შეუწერელი, განჯორციელებული ჰშევ გამოუთქმელად.

გალობა 5, ღამითგანსა

ძლისპირი: დამჯსნელი ბნელის მის წესთა მათ წერილისა, პირველისა ჰსჯულისათა, და მომცემელი მორწმუნეთა მადლთა მისთა, ქალწულისაგან იშუა ქრისტე და მიმიძღვა ჩუენ ნათლად, ღმრთეებისა თჯსისა.

წმიდაო, კეთილმსახურო მეფეო დავით, ევედრე ღმერთსა ჩუენტჯს.

არავინ ყოფილ არს მეფეთა ჩუენტაგანი მსგავს შენდა, ზ, მუშაკო საკვრველო, რამეთუ დავით წინადსწარმეტყუელისაებრ მოიხვეჭდი მოწყალებასა და სიმშჯდესა, და ქრისტჯს სახარებისა ქადაგებითა, დაამჯობდი უღმრთოთა და მწვალებელთა ბრძნობასა.

წმიდაო, კეთილმსახურო მეფეო დავით, ევედრე ღმერთსა ჩუენტჯს.

არა ტყუილად კრმალ-გება, მეფეო, ყოვლად მკნეო, რამეთუ მკლავითა ლომებრივითა ქმენ რად ბრძოლანი საკვრველნი, სირცხვლეულ-ყვენ ყოველნი წინააღმდგომნი ღმრთისანი, და განაქარვე ბოროტნი განზრახვანი მათნი.

დიდებაჲ მამასა და ძესა და წმიდასა სულსა,

არა სახმარ იყო შენდა ბრწყინვალებაჲ სანთლისაჲ, რამეთუ გულსმოდგინე ლოცვაჲ შენი და კეთილი საქმეჲ, ვითარცა ნათელი დაულამებელი უძლოდა მეფობასა შენსა, და სარწმუნოებითა თვისითა განამტკიცებდი მორწმუნეობასა ერისასა.

აწ და მარადის და უკუნითი უკუნისამდე, ამინ.

ახლად ყრმად გვშევ, ქალწულო წმიდაო, პირველ ჟამთა შობილი მამისაგან, სიტყუად მხოლოდ დაუსაბამოდ, მას ევედრე აწ, ვითარცა ძესა და ღმერთსა შენსა, რადთა შეგვწყალნეს, რომელნი განწმედილითა გულითა აღგიარებთ ღმრთისმშობელად.

გალობა 6, ღაღადყავსა

ძლისპირი: ღმრთისა მიმართ ვღაღადებთ მწუხარებით ყოველნი, ვითარცა იგი, იონა წინასწარმეტყუელი, აღმომიყუანენ ღელვათაგან განმხრწნელთა, მხოლოო სახიერო, გევედრებით.

წმიდაო, კეთილმსახურო მეფეო დავით, ევედრე ღმერთსა ჩუენთჳს.

გული შენი განბრძნობილი შჯად ერისა შენისა, იყო ჳელთა შინა ღმრთისათა, და ხვდოდი ყოველთა მცნებათა და სამართალთა მისთა, აწ ჩუენცა მეოხ გუექმენ, მოგვცეს გული გონიერი და ბრძენი, გულისჳმის-ყოფად კეთილისა და ბოროტისა.

წმიდაო, კეთილმსახურო მეფეო დავით, ევედრე ღმერთსა ჩუენთჳს.

მიემსგავსე რად ნათესავსა შენსა დავითს, მეფესა ისრაელისასა, გულითა შემუსრვილითა შეგვიქმენ „გალობანი სინანულისანი“, რომლისა მიერ გვიჩუენე სიმალლჳ სიმდაბლისაჲ და ღმრთისაჲდ მიმყვანებელი გზაჲ იგი ჳსნისაჲ და ცხორებისაჲ.

დიდებაჲ მამასა და ძესა და წმიდასა სულსა,

უშიშ იყავ, ვითარცა უჯორცოდ, და მინდობილი საჭურველსა უძლეველსა, ნიშსა ჯუარისასა, ძალითა ქრისტჳსითა ყოვლაღვე მძლედ გამოჩნდი მტერთა ზედა და დააკუეთე ამჰარტავნებაჲ ქართველთ-მოძულეთა.

აწ და მარადის და უკუნითი უკუნისამდე, ამინ.

ცათა უვრცელეს იქმნა წიაღი შენი, რამეთუ ღმერთი დაიტიე, უსძლოო სძალო, რომელი დაუტევნელ არს და გარეშეუწერელ დაბადებულთაგან.

მიჳსნენ განსაცდელთაგან მონანი შენნი, ყოვლაღწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოჳვლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლაღქებულო ღმრთისმშობელო, და ჳორცთა ჩუენტა წყლულებანი ბოროტნი განჳკურნენ და სულისა ჩუენისა სნეულებანი.

მღდეღმან: *მერმე და მერმე მშჳდობით უფლისა მიმართ ვილოცოთ.*

გუნდი: *უფალო, შეგჳწყალენ.*

მღდეღმან: *შეგუეწიენ, გუაცხოვნენ, შეგჳწყალენ და დაგვიცვენ ჩუენ, ღმერთო, შენითა მადლითა.*

გუნდი: *უფალო, შეგჳწყალენ.*

მღდელომან: ყოვლადწმიდისა, უხრწნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომკსენებელთა, თავნი თჳსნი და ურთიერთარს, და ყოველი ცხორებაჲ ჩუენი ქრისტესა ღმერთსა ჩუენსა შევედროთ.

გუნდი: შენ, უფალო.

მღდელომან: რამეთუ შენ ხარ მეუფე მშჳდობისაჲ, და მაცხოვარი სულთა ჩუენთა, და შენდა დიდებასა აღუავლენთ მამისა, და ძისა, და წმიდისა სულისა, აჲ და მარადის, და უკუნითი უკუნისამდე.

გუნდი: ამინ.

კონდაკი, ჳმაჲ 8

ზესთამბრძოლსა უძლეველსა დავითს და შემწესა ურცხვენელსა კეთილმსახურებისასა, ვითარცა შენ მიერ განათლებულნი სამწყსოდსა შენისა ერნი, შესხმისა გზრგზნსა შეგითხზავთ განმათავისუფლებელსა ჩუენსა ყოველთაგან ვნებათა და ვჳმოზთ შენდამი სიხარულით: გიხაროდენ, ჳემმარიტო მამაო და მფარველო ერისა ჩუენისაო!

იკოსი, ჳმაჲ 8

ანგელოზნი თანა მდგომ ყოველსა შინა მოიგე, განმაშუენებელმან კეთილ-მსახურებისამან საქმეთა მიერ კეთილთა, და გონებაჲ ანგელოზებრი თჳსებასა ანგელოზთასა შეაერთენ, ღმრთივგანბრძნობილო მეფეო დავით, და მარადის მათ თანა იხარებ წინაშე ღმრთისა, ხოლო ჩუენ განკჳრვებულნი გიჳმოზთ: გიხაროდენ, ჳემმარიტო მამაო და მფარველო ერისა ჩუენისაო!

მღდელო: მოხედენ, სიბრძნით. წარდგომა, ჯმაღ 4

და აღვამაღლო რჩეული ერისაგან ჩემისა, ვპოვე დავით მონად ჩემი.

მუხლი: ამისთვის გცხო შენ ღმერთმან, ღმერთმან შენმან საცხებელი სიხარულისა.

მღდელო: უფლისა მიმართ ვილოცოთ.

გუნდი: უფალო, შეგჳწყალოენ.

მღდელო: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლოენტ, მამისა, და ძისა და წმიდისა სულისა, აჲ და მარადის, და უკუნიითი უკუნისამდე,

გუნდი: ამინ.

მღდელო: ყოველი სული აქებდით უფალსა.

გუნდი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელო: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალოენ (3-გ ზის).

მღდელო: სიბრძნით აღემართენით და ისმინეთ წმიდა სახარება, მშჳდობად ყოველთა.

გუნდი: და სულისაგა შენისა თანა.

მღდელო: იოანესაგან წმიდისა სახარებისა საკითხავი.

გუნდი: დიდებად შენდა, უფალო, დიდებად შენდა.

მღდელო: მოხედენ.

სახარება იოანესი (თ. 10. 9-17)

ჰრქუა უფალმან მოსრულთა მათ მისა მიმართ ჰურიათა, მე ვარ კარი: ჩემ მიერ თუ ვინმე შევიდეს, ცხონდეს; შევიდეს და გამოვიდეს და საძოვარი ჰპოვოს. ხოლო მპარავი იგი არა მოვიდეს, არამედ რადთა იპაროს, და დაკლას და წარწყმიდოს. ხოლო მე მოვედ, რადთა ცხორებად აქუნდეს და უმეტესი აქუნდეს. მე ვარ მწყემსი კეთილი: მწყემსმან კეთილმან სული თვისი დადვის ცხოვართათვს. ხოლო სასყიდელით დადგინებულმან და რომელი არა არნ მწყემსი, რომლისა არა არიედ ცხოვარნი თვისნი, იხილის-რად მგელი მომავალი, დაუტევნის ცხოვარნი და ივლტინ, და მგელმან წარიტაცნის იგინი და განაბნინის ცხოვარნი. ხოლო სასყიდლით დადგინებული იგი ივლტინ, რამეთუ სასყიდლით დადგინებულ არნ, და არარად სჭირნ მას ცხოვართათვს. მე ვარ მწყემსი კეთილი და ვიცნი ჩემნი იგი, და მიციან ჩემთა მათ. ვითარცა მიცის მე მამამან, ვიცი მეცა მამად და სულსა ჩემსა დავსდებ ცხოვართათვს. და სხუანიცა ცხოვარნი მიდგან, რომელნი არა არიან ამის ეზოდსაგანნი; იგინიცა ჯერ-არიან მოყუანებად ჩემდა, და ჳმისა ჩემისად ისმინონ და იყვნენ ერთ სამწყსო და ერთ მწყემს.

გუნდი: დიდებად შენდა, უფალო, დიდებად შენდა.

დიდებად მამასა და ძესა და წმიდასა სულსა.

მეოხებითა კეთილმსახურისა მეფისა ჩუენისა დავითისითა, მოწყალეო, აღჯოცენ ცოდვათა ჩუენტა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისადთა, მოწყალეო, აღჯოცენ ცოდვათა ჩუენტა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღჯოცე უსჯულოებაა ჩემი და შემიწყალე მე, ღმერთო.

ვითარცა კეთილმსახურმან და ღმრთივდაცულმან მეფემან, ერსა შენსა მოჰმადლე ძლევაა მტერთა მიმართ და მართლალსარებითა დამტკიცებული ეკლესიაა დაიცევ შეუძრველად, ეგრეთვე აწ ითხოვე ეკლესიისათჳს დაცვაა და მოცემად ჯუართა ერსა ჩუენსა ძლევაა ყოველთა მაჭირვებელთა ზედა, სიმტკიცე მორწმუნეთა და ამაღლებაა რქისა მათისაა მწვალებელთა ზედა, მშჳდობაა სოფელსა და დიდი წყალობაა შენდამი მვედრებელთა.

მღდელო: აცხოვნე, ღმერთო, ერი შენი, და აკურთხე სამკჳდრებელი შენი, მოხედენ სოფელსა შენსა წყალობითა და მოწყალებითა, აღამადლე რქაა ქრისტეანეთა მართლმადიდებელთაა, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისაათა; ძლიერებითა პატოსნისა და ცხოველსყოფელისა ჯუარისაათა; ჯუარისა ნინოდსითა და ჯუარისა მცხეთისაათა, ზეგარდამოქსოვილისა კუართისა უფლისაათა და ღმრთივბრწყინვალისა სუეტისა ცხოველისაათა მირონმდინარისა; მეოხებითა პატოსანთა უჯორცოთა ზეცისა ძალთაათა; პატოსნისა, დიდებულისა, წინაღსწარმეტყუელისა, წინამორბედისა და ნათლისმცემელისა იოვანსსითა, წმიდისა დიდისა წინაღსწარმეტყუელისა ელია თეზბიტელისა და მართლისა ენუქისითა; წმიდათა დიდებულთა, და ყოვლად-ქებულთა მოციქულთა თავთა, პეტრსსა და პავლსსითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა, ბართლომესი, თადეოზისა და მატათასითა; ღირსისა დედისა ჩუენისა, მოციქულთა სწორისა ქალწულისა ნინო ქართველთ

განმანათლებლისადათა და წმიდათა მოციქულთა სწორთა: მეფისა
 მირიანისა და დედოფლისა ნანაფსითა; წმიდათა შორის მამათა
 ჩუენთა, და მსოფლიოთა დიდთა მოძღუართა და
 მღდელთმთავართა, ბასილი დიდისა, გრიგოლი
 ღმრთისმეტყუელისა, და იოვანე ოქროპირისადათა; წმიდათა შორის
 მამისა ჩუენისა ნიკოლოზ მრონ-ლუკის მთავარეპისკოპოსისა და
 საკვრველთ-მოქმედისა და წმიდათა მამამთავართა ჩუენთა: პეტრე,
 სამუელ, სარმიან, მამაფ, არსენ, მელქისედეკ, იოანე-ოქროპირ,
 ნიკოლოზ, ევდიმოზ, იოსებ, კირიონ, ამბროსისადათა; ღირსისა
 მამისა ჩუენისა იოვანე ზედაზნელისა და ათორმეტთა მისთა
 მოწაფეთა, მეორედ განმანათლებელთა საქართველოს ეკლესიისა და
 მარადის მფარველთა მისთა და წმიდისა მღდელმოწამისა ნეოფიტე
 ურბნელისადათა; ღმრთივ-განზრძნობილთა ნეტართა მამათა ჩუენთა:
 ილარიონ ქართველისა, სერაპიონ ზარზმელისა, გრიგოლ
 ხანძთელისა და საბა იშხნელისადათა; ღირსთა მამათა ჩუენთა
 ათონელთა: იოვანე და გაბრიელ ქართველთა, იოვანე თორნიკ-
 ყოფილისა და ეფთჳმე და გიორგი მთაწმინდელთადათა; წმიდისა
 დიდებულისა და ლუაწლისა-მძლისა მოწამისა, ძლევა-შემოსილისა
 გიორგისა და წმიდათა დიდთა ქალწულ-მოწამეთა ბარბარცსა და
 მარინცსითა; წმიდათა დიდებულთა და ლუაწლისა-მძლეთა
 მოწამეთა ჩუენთა: რაჟდენისა, ევსტათი მცხეთელისა, ჰაზო
 ტფილელისა, გობრონისა, ქრისტეფორე გურულისა, ნიკოლოზ
 დვალისა, კოზმანისა, არგვეთისა მთავართა დავით და
 კონსტანტინცსა და კონსტანტინე მთავრისადათა; წმიდისა მთავარ-
 მოწამისა ბიძინასა და წმიდათა დიდებულთა მოწამეთა: შალვა და
 ელიზბარ ქსნის ერისთავთადათა; წმიდისა მოწამისა შალვა
 ახალციხელისა და წმიდათა ათთა-ბევრთა მოწამეთა, ტფილისს
 ხუარაზმელთაგან მოწყუედილთადათა; წმიდათა მოწამეთა ექვსი
 ათასთა გარეჯელთა ბერთა და მრავალთა წმინდათა მამათა და
 დედათა, აჭარაში თურქთაგან წამებულთადათა; წმიდათა
 ლუაწლისამძლეთა მეფეთა და დედოფალთა: მირდატ, აშოტ,
 არჩილ, დემეტრე, ლუარსაბ, შუშანიკ და ქეთევანისადათა; წმიდათა

კეთილ-მორწმუნეთა და დიდთა მეფეთა ჩუენთა: ვახტანგ გორგასალისა, დემეტრე-დამიანწსა, თამარისა და სოლომონისადათა; წმიდისა ილია მართლისა, ექვთიმე ღმრთისკაცისა და ექვთიმე აღმსარებლისადათა; წმიდისა არქიმანდრიტისა, ღირსისა მამისა ჩუენისა გაბრიელისა, აღმსარებელისა და სალოსისადათა; წმიდათა და მართალთა მშობელთა ღმრთისადათა იოაკიმ და ანნადათა (და წმიდისა სახელი, რომლისა არს ტამარი); წმიდისა და კეთილმსახურისა მეფისა დავით აღმაშენებელისა, და ყოველთა წმიდათა შენთადათა გევედრებით შენ, მრავალმოწყალო ღმერთო, შეისმინე ჩუენ ცოდვილთა ვედრებად, და შეგჳწყალებ ჩუენ.

გუნდი: უფალო, შეგჳწყალებ (12-გზის).

მღდელო: წყალობითა და მოწყალებითა და კაცთმოყუარებითა მხოლოდშობილისა ძისა შენისადათა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსმყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: მაყუალი მოტყინარე და საჯუმილი ქალდეველთა მათ, შეცურეული, ჭეშმარიტად მოგასწავებდა შენ, ღმრთისმშობელო, რამეთუ შეიწყნარე ცეცხლი ღმრთეებისადა წიაღსა შენსა უვნებელად, რომელსა უდაღადებთ და ვიტყვთ: კურთხეულ ხარ შენ, უფალო, ღმერთო მამათა ჩუენთაო.

წმიდაო, კეთილმსახურო მეფეო დავით, ევედრე ღმერთსა ჩუენთჳს.

ბრძოდი რაჲ ურიცხუთა მტერთა მცირედითა მით ლაშქრითა, გამოიყვანე სჳაჲ ყივჩაყთაჲ, განთქმულნი სიმჳნითა, და მოიმტკიცე რაჲ ფიცითა ერთგულობისადათა, მოსრნე ურიცხუნი თურქნი თანა-

დგომითა მათითა. აწ ჩუენცა გარემოცულნი მრავალთა მტერთა და განსაცდელთა მიერ გვკსენ ყოვლისაგან საფრჯისა.

წმიდაო, კეთილმსახურო მეფეო დავით, ევედრე ღმერთსა ჩუენტჳს.

განარისხა სულტანი ძლიერებამან შენმან და წარმოავლინა რად ლაშქართა სიმრავლენი, უბრძანა აღსპობად საქართველოდსა, და თრიალეთს მოწევნულთა იწყეს რად ოხრებად სამწყსოდსა შენისა, განაწყე ლაშქარი და განამკნე რად იესუს სახელითა, უშიშად ეკვეთეთ და უმრავლესსა მათსა მოსწყვედდით დიდგორსა.

დიდება მამასა და ძესა და წმიდასა სულსა,

შეძრწუნდენ უსჯულონი, ხედვიდენ რად მკედარსა საკვრველსა, მბრძოლსა მარჯვენით შენსა, ხოლო ქართველნი სიხარულითა კმობდით: „წმიდაა გიორგი ჩუენტან არს“ და ადიდებდით ღმერთსა, რომელმანცა მოგცათ ძლევა ეგე უძლეველი და დაგიცვათ საკვრველად.

აწ და მარადის და უკუნითი უკუნისამდე, ამინ.

ტევანი ცხორებისად გამოილე, ვითარცა რად ვენახმან დაუსხმელმან, ღმრთისა დედაო, რომელმან გვიწდიე ღვინოდ წმიდა-მყოფელი, და მახარებელი გონებათად, სიმთვრალისა ბოროტისა დამკსნელი.

გალობა 8, აკურთხევდითსა

ძლისპირი: სახუმილი იგი ცეცხლისად ბაბილონს პირველად განიზოგა ღმრთისა მიერ, რამეთუ ქალდეველნი აღისა მისისაგან შეიწუნეს, ხოლო ყრმანი შეცურეულნი იტყოდეს: აკურთხევდით საქმენი უფლისანი უფალსა.

წმიდაო, კეთილმსახურო მეფეო დავით, ევედრე ღმერთსა ჩუენტჳს.

პოვე რად ჟამი საწადელი, აღილე ტფილისი, ოთხას წელ ქონებული აგარიანთა, და ნიკოფსიითგან დარუბანდამდე განავრცობდი სამეფოსა შენსა, რადსთვსცა სიმწნწ შენი და ღირსებად არა ხოლო თუ საქართველოსა ოდენ განითქუა, არამედ ყოველსა ქუეყანასა.

წმიდაო, კეთილმსახურო მეფეო დავით, ევედრე ღმერთსა ჩუენთვის.

ჯერეთ მწნწ და ახოვანი დასნეულდი რად, მეფეო დავით, განაგე ყოველივე სარგებელი სულისა თვისიად, და აკურთხევდი რად სამწყსოსა შენსა, ევედრებოდი ღმერთსა ერისათვს შენისა და სამეფოდსა. აწ დაცემული ესე და დამდაბლებული ქართველთა ერი კუალად აღადგინე მსახურებად ღმრთისა და მამულისა მეოხებითა შენითა.

დიდებად მამასა და ძესა და წმიდასა სულსა,

შენ, უმჯობესი ყოველთა მეფეთა ქართველთასა და ბაგრატოვანთა შორის უფროდს ყოვლითავე სრული, წარხვედ რად წინაშე მსაჯულისა, მისისაებრ განმგებელი მეფობისა, განგებუნეს შენ ბჭენი ზეცისანი და შეხუედ სიხარულსა უფლისა შენისა სახიერისასა.

აწ და მარადის და უკუნითი უკუნისამდე, ამინ.

ვნებანი სულისა ჩემისანი განჰკურნენ სიტკბოებითა, ყოვლად საგალობელო, დაამშვდე ცხოვრებად და განანათლე სული ჩემი და წარმიმართე გზათა საღმრთოთა, რადთა მარადის გაკურთხევდე შენ, დედოფალო.

გალობა 9, ადიდებდითსა

ძლისპირი: რომელმან ჰშევ მთიები, მზისა უბრწყინვალესი ღმერთი, ჯორციელ-ქმნული, მოსრული ჩუენდა საშოდსაგან შენისა,

ჯორციელად, გამოგვიჩნდა გამოუთქმელად სიმდაბლით, ამისთვის ღმრთისმშობელო, სარწმუნოებით გადიდებთ შენ.

წმიდაო, კეთილმსახურო მეფეო დავით, ევედრე ღმერთსა ჩუენთვის.

ღუაწლმრავალი ნეშტი შენი დაკრძალეს გელათის კარიბჭესა ანდერძისაებრ შენისა, რადთა სავანესა მას მოსრულნი მიემთხვივნეს სამარხოსა შენსა, და კურთხევისა მომღებელნი მადლობისა ჳმითა უგალობდეს ღმერთსა.

წმიდაო, კეთილმსახურო მეფეო დავით, ევედრე ღმერთსა ჩუენთვის.

აჰა, ზღუდედ სიმტკიცისად მოგვიგიეს ჩუენ სამარხოდ შენი და ვიქადით, ვითარცა მქონებელნი საუნჯისა, რამეთუ მარადის ისმენ ვედრებასა ჩუენსა და შევრდომასა, და ყოველთა მოგვცემ ღბინებასა.

დიდებაჲ მამასა და ძესა და წმიდასა სულსა,

შემდგომად სიკუდილისა შენისა მაუწყებელ-არს მოღუაწებათა დიდებული გელათი და ჳმა მალლად ჰქადაგებს შიო-მღვიმე ლოცვათათჳს შენთა მჳურვალეთა, ხოლო ჩუენ გული გჳთქმს მისლვად წმიდათა მათ სავანეთა, აღმოაცენებს რად მადლსა ჳემმარიტსა და აღგვადგინებს დიდებად ღმრთისა.

აწ და მარადის და უკუნითი უკუნისამდე, ამინ.

საიდუმლოჲ დიდი, დიდებულისა შობისა შენისაჲ განაკჳრვებს ანგელოზთა, ღმრთივ-მიმადლებულო, და წმიდათა გუნდსა მოწყლავს სიყუარულითა და აღსძრავს მამათა საღმრთოდ.

ღირს არს ჭეშმარიტად, რადთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატოსნესსა ქერობინთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებთ.

მღვდელი აკმევს; მკითხველი (ან ერისკაცი) კითხულობს

ქრისტჳს მჴსნელისა იქმენ ერთგულ მოწაფე და გარე შეგარტყმიდა რად საღმრთოსა ძალსა თვისსა, განახლებაჲ მადლისაჲ მოსცა შენ მიერ სამოციქულოსა მას დიდებულსა, ნინო კაბადუკიელისა მიერ განათლებულსა ერსა, რამეთუ ღუაწლი შენი და სიტყუაჲ და სწავლაჲ ექმნა საჭეთმჰყრობელ და მმართველ სამღდელოთა და ერთა.

ჟ, პატოსანო მეფეო, რომელსა სახელ-გდო ერმან შენმან აღმაშენებელად, უნათლეს მზისა გამობრწყინდი ჟამთა მათ უსჯულოთა ზეობისასა, და განაბრწყინვე საქართველოჲ მშჴდობითა და დიდებითა, აწცა მეოხ-გუეყვენ ჩუენ ღმრთისა მიმართ, განაბრძვნოს მთავარნი და განმგენი ჩუენნი, რადთა არა განმცემელ ექმნენ სიქადულსა ჩუენსა მართლმადიდებლობასა და საზღვარნი საქართველოდსანი მოჰკრძალონ ოხითა ღმრთისმშობელისაჲთა.

ქუეყანისა ჩუენისა აღმაშენებელსა და სინანულისა გალობათა შემოქმედსა მეოხად მოგიგებთ მოსავნი შენნი და გევედრებით: დაგვიფარენ ჩუენ ანტიქრისტეს ზაკუათაგან და საცთურისა და მოგუანიჰენ შიში ღმრთისაჲ და ახოვანებაჲ სულისაჲ.

ვითარცა ბრძენმან და მოწყალემან მამამან დააცხრვენ ჰირთა მძჴვარებანი, მოწევნულნი და მოწევნადნი ერსა შენსა ზედა, ეგრეთცა ნუ დააცადებ ოხასა ღმრთისა მიმართ, გარე წარაქციოს რისხვაჲ აღდგომილი ჩუენ ზედა, სიმრავლისაგან ცოდვათა

ჩუენთასა, და ლაზარესაებრ აღგუდგინოს მამული ჩუენი - საქართველო - პირველსავე დიდებასა, რადთა არა დასათრგუნველ ვიქმნეთ მარბიელთა უცხოთა ტომთა და ნათესავთაგან.

ელვარებად ღუაწლისა შენისად, და მცხინვარებად სიმწნეთად ცისკროვან-ჰყოფს გულსა ჩუენსა და შენთანა ვევედრებით ღირსსა გიორგი ჰყონდიდელსა - აღმზრდელსა და თანაგამკაფველსა ყოველთა გზათა და საქმეთა შენთა: გაქუთ რად შუა-მდგომელობად ღმრთისა მიმართ, შეგვეწიეთ მამობრივითა კადნიერებითა, რადთა მზაკუვარებად მტერთა ჩუენთად განჯადოს და შეჰკრიბოს განზნეული ერი ქართველთად.

ჟ, ღირსო მეფეო, წმიდაო დავით აღმაშენებელო, შეგვავედრე სასოსა და მფარველსა ჩუენსა ღმრთისმშობელსა, რადთა თქმულნი მისნი ადასრულოს, ვითარცა მოწყალემან და ნუ განგვაშორებს მეოხებასა მისსა წილხვდომილთა თვსთა, არამედ შეგვეწიოს ყოველსავე ჰირსა და საცთურსა შინა და აღგვაგოს მღვძარებითა საღმრთოდთა, რადთა ყოველნი ვიქმოდეთ სამართალსა და წინაპართა ჩუენთა წესისაებრ მარადის ვმსახურებდეთ და ვადიდებდეთ ყოვლადწმიდასა სამებასა:

წმიდაო ღმერთო, წმიდაო ძლიერო, წმიდაო უკუდაო, შეგვწყალენ ჩუენ (3-გზის). დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვზდვენ უსჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათვს. უფალო, შეგვწყალენ (3-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მივსნენ ჩუენ ბოროტისაგან.

მღდელი: რამეთუ შენი არს სუფევად...

გუნდი: ამინ.

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყვს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებად მამასა და ძესა და წმიდასა სულსა,

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩვენ ფრიად, და ნუცა მოივსენებ უსჯულოებათა ჩუენთა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ხელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხობრებად ნათესავისა ქრისტეანეთადასა.

მღდელომან: შეგზწყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგზწყალენ.

გუნდი: უფალო, შეგზწყალენ (3-გ ზის).

მღდელომან: მერმეცა გევედრებით, წყალობისა, სიცოცხლისა, მშუდობისა, სიმრთელისა, დღეგრძელობისა, ცხორებისა, განათლებისა, მოტევეებისა, კეთილად წარმართებისა და მყუდროებისა მონათა (ანუ მკევეალთა) ღმრთისადათა და ყოველთა შულოთა ჩუენისა ეკლესიისადათა, რადათა დაიცვას უფალომან ღმერთმან ჩუენმან სამეუფოდ ქალაქი ესე ჩუენი და წმიდაჲ ესე ეკლესიაჲ და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახვლისა, უცხო-თესლთა ზედა მოსლვსაგან, ბრძოლისა და სიკუდიდშემოსილისა წყლოულებისა, რადათა მოწყალე გუექმნეს ჩუენ ღმერთი კეთილად დგომისათჳს სახიერებითა და კაცთმოყუარებითა თჳსითა, და გარეწარაქციოს რისხუაჲ, მარად დღე ჩუენ ზედა მომავალი, და გჳკსნეს ჩუენ სამართლად ჩუენ ზედა მოწევნულისა რისხვსაგან, და შეგზწყალნეს ჩუენ.

გუნდი: უფალო, შეგზწყალენ (12-გ ზის).

მღდელომან: შეისმინე ჩუენი, ღმერთო, მაცხოვარო ჩუენო, სასოლო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგზწყალენ ჩუენ, რამეთუ მოწყალე და კაცთმოყვარე ღმერთი ხარ და შენდა დიდებასა აღვაველენთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

მღდელომან: მერმე და მერმე მუკლთ-მოდრეკით. უფლისა მიმართ ვილოცოთ.

გუნდი: უფალო, შეგზწყალენ.

სავედრებელი ლოცვა

ჰ, დიდებულო მეფეო და კაცთა შორის საკვრველო მოღუაწეო, წმიდაო დავით აღმაშენებელო, მახვილო მესიისაო და საღმრთოო სუეტო მართლმადიდებლობისაო; ეკლესიისა შეურყეველო გოდოლო და უძლეველო წინამბრძოლო ქართველთა ერისაო; მკედართა დიდებაო და სიმტკიცეო კეთილმსახურთა მეფეთაო; მოწყალეო; გლახაკთა ჳელის-აღმჳყრობელო და ჳირთა შინა მყოფთა მსწრაფლ-შემწეო და შესავედრებელო!

ჰ, ღუაწლით-შემოსილო და უძლეველო მეფეო დავით! ეღვარებითა სიწმიდისა შენისადათა მეოხ-გუეყვენ ჩუენ ქრისტჳს მიმართ, ღმრთისა ჩუენისა, რადთა წყალობითა მოხედოს დედისა თჳსისა წილხვდომილსა ერსა ჩუენსა, საუფლოდსა ჳუარისა მტჳრთველსა ქუეყანასა ზედა, და დაიცვას მტერისა საფრჳისა და ძმათა მტერობისაგან, რამეთუ მთავარნი ამა სოფლისანი იღუწიან განხრწნასა და აღსპობასა მისსა, ხოლო ჩუენ ვეძიებთ ღონესა განრინებად მძლავრებისაგან მათისა და ვესავთ შეწევნასა შენსა, რადთა არა მოაკლდეს სარწმუნოებად ქართველთა ერსა, ხოლო ქუეყანასა ჩუენსა მთავრობად ნათესავთა შენთა, კურთხეულთა და მირონცხებულთა, რომელნი ჳყოფენ სამართალსა და წყალობასა სწორად ყოველთა ზედა, და ძალითა ჳუარისადათა შემოჳკრვენ რად ყოველთა საზღუართა საქართველოდსასა, ადამაღლებენ და აღადგენენ სიმაღლესა და ძლიერებასა ჩუენსა ქუეყანით დავიწყებისადათ, რადთა ვიყოთ ერთ სამწყსო და უფალი იყოს მწყემს ჩუენდა. მრავალშემძლებელითა ძალითა შენითა განაძლიერე უწმიდესი და უნეტარესი, სრულიად საქართველოს კათოლიკოს-პატრიარქი, მცხეთა-თბილისის მთავარეპისკოპოსი და ბიჳვინთისა და ცხუმ-აფხაზეთის მიტროპოლიტი მამად ჩვენი ილია, და ყოვლად-სამღდელონი მიტროპოლიტნი, მთავარეპისკოპოსნი და ეპისკოპოსნი, და ყოველნი სამღვდელონი და სამონაზვნო წესნი.

კეთილმორწმუნენი მკედართმთავარნი და ქალაქთმთავარნი,
ქრისტწსმოყუარენი მხედრობანი და ყოველნი
მართლმადიდებელნი ქრისტიანენი.

ჟ, მეფეთა შორის მკნეო მოღვაწეო, წმიდაო დავით აღმაშენებელო!
ჰემმარიტებისა მცველო და სინანულისა გალობათა შემოქმედო,
ევედრე ყოველთა მწყალობელსა, რადთა მოჰმადლოს ეკლესიათა
სიმტკიცწ, მოძლუართა ამათ ჩუენთა მოშურნეობად და მღჰძარებად
სულთათჰს; მთავართა - სიბრძნწ, ძლიერებად და კეთილად მწყსად
ერისად; მსაჯულთა - სამართალი თუალუხუავი; მკედართა
მამაცობად და მკნეობად სულისად; წინამძლუართა - გონიერებად და
სიმდაბლწ; ერისაგანთა უცოდველოობად და დედათა კრძალულებად;
მეუღლეთა - სიყუარული და თანხმობად; შჰლთა - მორჩილებად;
მძლავრთა - შიში ღმრთისად; მწყუხარეთა - სულგრძელებად;
მხიარულთა - მოზღუდვილობად და სული გონიერებისად და
ღმრთისმოსავობისად, ხოლო ჩუენ შეგვინდოს ამოოდ და ცრუ
მორწმუნეობად, ამჰარტავნებად, ზაკუვად, ლალატი, შური,
სიძულვილი, ანგარებად, უმადლოებად, დრტვინვად, კლვანი,
პარვანი, სიძვანი, უწესობანი, და მოგუმადლოს შენებრი
მკურვალებად სარწმუნოებისად, საღმრთოდ მოშურნეობად
მამულისად და ძმებრივი სიყუარული მოყუასისად, სიმართლის
სიყუარული და ქუელის საქმითა განშუენებად, წმიდითა ლოცვითა
განათლებად, აღსარებითა განწმედად, ზიარებითა განბრწყინვებად,
პატიოსნად მიცუალებად, სასუფეველსა დამკჰდრებად, ანგელოზთა
თანა გალობად, წმიდათა თანა სუფევად, და შენ თანა დიდებად და
მადლობად, რამეთუ მისა ჰშუენის ყოველი დიდებად, პატივი და
თაყუანისცემად, თანა მამით და სულით წმიდითურთ, აწ და
მარადის და უკუნითი უკუნისამდე, ამინ.

მღდელო: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატოსნესსა ქერობინთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებთ.

მღდელი: დიდებაჲ შენდა, ქრისტე ღმერთო, სასოებაო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებ (3-გზის). გუაკურთხენ.

მღდელი: ჩამოილოცოს.

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებ (3-გზის).

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, წმიდისა მეფისა დავით აღმაშენებელისაჲთა, და ყოველთა წმიდათაჲთა, შეგვწყალებ ჩუენ, ამინ.

ხატისა მთხვევასა ზედა ვგალობთ ესრეთ:

იხარებს ქართველთა ეკლესიაჲ წმიდასა ჳსენებასა შენსა და გვიწესს ყოველთა შჯლთა თჯსთა მართლმადიდებელთა ქებით შესხმად ღუაწლისა შენისა და უძლეველისა მეფობისა, და ჩუენცა, მოქადულნი სიბრძნითა შენითა და მჳნეობითა, შეუვრდებით ხატსა შენსა, წმიდასა და სანატრელსა, და გევედრებით: ვითარცა გაქუს კადნიერებაჲ დიდი, იმეოხენ წინაშე ღმრთისა, რაჲთა არა სამართლად მოგვაგოს ბოროტთა საქმეთა ჩუენთათჯს და გჳჳსნნეს ყოველთაგან განსაცდელთა.

ყოველთა შეცოდებულთა სასოო და შემდგომად ღმრთისა
შესავედრებელო და მკსნელო ქრისტეანეთაო, უმეტესად
კურთხეულო დედაო ქრისტჳს ღმრთისა ჩუენისაო, მარადის
ქალწულო მარიაო, მოხედენ ვედრებასა ჩუენსა და გვკსენ
ყოველთაგან ჭირთა და სალმოზათა.

ავტორ-შემდგენელი: თინათინ მჭედლიშვილი

